

新疆圖志卷六十二

山脈志四 南山

南山之首曰烏仔別里之山

帕米爾山水道里記烏仔別里山豁土人指說不一有謂為木子可爾者有謂為克子別里者更有指在瑪爾堪蘇之烏赤別里者皆非也中俄止界處所按照圖約及山水形勢考測確在本圖所繪地位無疑俄人謂即黑仔吉牙克或其邊民嘗以是呼之異地同名事所恒有然必併在梁上不得

新疆圖志

山脈志四

以圖約中有克則勒吉業克字樣克則勒吉業克又名克仔別里

布回以克則勒為紅色吉業克為長石一線別里里為小嶺克則勒吉業克者言紅長石一線也誤

認分支東下及麓牽混中國設卡之黑孜吉牙克地方顯背同指山梁為界之約再據押圖細考紅綫止處恰在哲理威河東北第一支分水源頭足見中俄末段界址以此水分亦即以此水止尤足執為烏仔別里山豁非黑孜吉牙克鐵券疏附鄉十志烏仔別里距城六百四十里東北至喀喇租庫六十里



謹案烏仔別里土人呼伯什別里在和什庫珠  
克東南一百四十里東距喀什噶爾八百九十  
里東南至讓庫爾一百八十里考帕米爾北界  
一自烏仔別里山起順大嶺梁經由倭伊巴勒  
孔阿里木圖阿哈比爾卻和太喀喇蘇沙各達  
坂係布魯特與住布倫庫爾木吉黑纏交界舊  
址亦即喀什噶爾道舊管南界一自烏仔別里  
山起西南順大嶺梁經由哲里威與阿克巴依  
塔爾兩河分水處過塞勒子巴哈瑪爾濟奈西

南至塔什庫爾干爲止木布魯特與什克南交  
分舊址亦即約圖中俄界轉向西南之山幹帕  
米爾東界自喀喇蘇沙西南砂嶺分水處起北  
界卻和太達坂南至克克突聿克達坂係布魯  
特與莎車屬塔齊克部民交分舊址亦即喀什  
道舊管西南及正西邊界內所經之喀因噶爾  
別爾解西新底丕伊克克畢克等達坂支幹紛  
岐起伏不一其界綫係取正嶺梁分水爲界帕  
米爾南界自克克突聿克達坂起至伊阿伊里

與喀喇閩蓋兩山梁交會盡頭處下山至愷里對宛順南流水至波咱拱拜上山經阿企克庫伊里克兩達坂再順捨庫爾南之大嶺由乙更阿拉魯水口過海里果什至庫爾帖節克山係布魯特與瓦罕什克南兩部落交界舊址其自克克突聿克達坂以東所有倭海及蕊明鐵蓋兩達坂係當日與坎巨提舊有界限亦即喀什噶爾道舊管不與帕界相涉帕米爾西界無多取布勒滿山北之伊克瑪爾濟奈水南接庫爾

帖節克北交塔什庫爾干兩山梁爲界亦係布魯特與什克南交分舊址帕米爾地縱橫八百餘里喪於汝大臣之一言致啟英俄兩國之爭鵲蚌相持至今未決籌邊者宜豫爲桑榆之計也

謹又案漢書西域傳三十六國南北有大山其山南東出金城與漢南山屬焉自玉門陽關出西域從鄯善傍南山北波河西行至莎車爲南道西域圖志云漢時所謂南山者皆自葱嶺分

支其北山由疏勒尉頭温宿龜茲焉耆車師六國東行即今喀什噶爾阿克蘇庫車喀喇沙爾闡展一帶北境之山其南山由西夜荻車于闐并彌戎廬精絕鄯善諸國東行即今葉爾羌和闐之南入砂磧歷安西州敦煌玉門縣南境之山漢書武帝紀貳師將軍出酒泉與右賢王戰於天山師古曰即祁連山匈奴謂天山者指北山而言若西域傳所云東出金城與漢南山屬又從鄯善傍山西行爲南道者止稱南山隋書

新疆圖志

山脈志四

載福祿縣有祁連山而晉書地理志載張祥以敦煌郡爲商州張元靚以商州爲祁連郡唐書福祿縣東南一百二十里有祁連山乃以近南山而被名於是南山亦號天山與漢時之以北山爲天山者同曰祁連山實分兩幹也今西域回部諸國皆在南山之北即漢書所謂南有大山也東至涼甘肅州皆與此山爲一脈即漢書所謂與漢南山屬也自安西州境外西南行綿亘沙磧直抵葱嶺即漢書所謂從鄯善傍南山

北波河西行至莎車爲兩道者也茲本漢時之  
舊以北山爲天山而於三十六國南境之山止  
稱南山庶幾稱名近古而彼此不淆一統志既  
稱南山在安西衛南五十里又稱雪山在安西  
柳溝二衛間蓋以一山分支各就所隸之境而  
言其實未嘗有兩山耳

又東南曰倭伊巴勒孔之嶺有水焉東流入於木吉河  
帕米爾山水道里記倭伊巴勒孔達坂東北距喀  
什噶爾八百三十里東南接壤庫爾爲喀什道舊

新疆圖志

山脈志四

五

管內地界

又東南曰阿里木圖之嶺阿里木圖水出焉東北流入  
於雅滿雅爾河

帕米爾山水道里記阿里木圖達坂東北距喀什  
噶爾七百三十五里西南接壤庫爾爲喀什道舊  
管內地界

又東南曰阿哈比爾之嶺

帕米爾山水道里記阿哈比爾達坂東北距喀什  
噶爾五百七十里西南接壤庫爾爲喀什道舊管

內地界

又南曰卻和太之嶺

帕米爾山水道里記卻和太達坂東北距喀什噶爾五百八十里西南接讓庫爾為喀什道舊管內

地界

又東南曰喀喇蘇之嶺有水焉北流伏於戈壁

帕米爾山水道里記喀喇蘇分水處東北距喀什噶爾七百四十五里西接讓庫爾為喀什道舊管

內地界

新疆圖三



山脈志四

六

又東南曰喀因夏爾之山有水焉東流入於賽里河

帕米爾山水道里記喀因夏爾山口北距喀什噶爾六百八十里西接帕米爾界為喀什道舊管內

地界

又東南曰別爾解西之山

帕米爾山水道里記別爾解西山口北距喀什噶爾七百八十五里西接帕米爾為喀什道舊管內

地界

又東南曰申干之嶺

帕米爾山水道里記新底達坂北距喀什噶爾八  
百八十五里西接帕米爾為喀什道舊管內地界  
蒲犁鄉土志城西六十里達申干卡層嵐疊嶂土  
民稱為西山即往俄國要道

謹案申干即新底或作新干游擊張鴻疇云由  
蒲犁城至申干嶺八十里以蒲犁東距莎車府  
城八百里計之則廳城至嶺當八十五里也

又南曰丕伊克之嶺有水焉東流注於賽里河

帕米爾山水道里記丕伊克達坂北距喀什噶爾

新疆圖志

山脈志四

一千一百五十里西接阿克蘇阿克塔什為喀什  
道舊管內地界

謹案丕伊克一作坯一克亦作排克其山有草  
可牧勘界公牘云色勒庫爾即蒲犁城南行一百  
九十里至和家克巴依卡向西南進山口一帶  
為塔墩巴什六十里至丕伊克山口轉向西北  
行八十里至丕伊克達坂

又西南曰鐵克里帶蘇之嶺有水焉東北流入於賽里

河

謹案鐵克里滿蘇嶺為喀什道舊管內地界西  
通阿克蘇阿克塔什

又西南曰克克突聿克之嶺有水焉東北流入於賽里  
河

帕米爾山水道里訛克克突聿克達坂東北距喀  
什噶爾一千二百八十五里西北接帕米爾為喀  
什道舊管內地界

謹案克克突聿克一作可克土魯克一作可可  
特勒可有草可牧

新疆圖志

山脈志四

八

又西南曰阿格吉勒之嶺其東巴格志之泉水出焉東  
北流入於賽里河

帕米爾山水道里訛阿格吉勒達坂東北距喀什  
噶爾一千二百七十里西南接瓦罕為喀什道舊  
管內地界

謹案阿格吉勒一作倭海及蕊蒲犁廳圖作瓦  
罕吉爾英人楊哈斯班游記作瓦呼羅特有草  
可牧

又東南曰克里之嶺有水焉北流入於賽里河



帕米爾山水道里記開里克達坂也距喀什噶爾一千二百八十五里南接坎巨提爲喀什道舊管內地界

謹案開里克即克里克一作克列克勘界公牘云由明鐵蓋阿格嘴向西行七十里轉向正南進山口至克里克達坂通坎巨提仍折回向西行二十里至克克突聿克阿格嘴轉向西南行六寸里至阿格吉勒達坂山梁稍東一海子通瓦罕

新疆圖志

山川志

九

又東南曰明鐵蓋之嶺有水焉東北流入於賽里河

帕米爾山水道里記明鐵蓋達坂北距喀什噶爾一千二百四十里南界坎巨提爲喀什道舊管內地界

蒲犁鄉土志明鐵蓋達坂在城南二百六十里再南行一百餘里有穆斯塔格山均極險峻由坎巨提入境要道也

謹案勘界公牘云由丕伊克山口向西行七十里至明鐵蓋阿格嘴向正南行一百里過明鐵

蓋許圖作明塔曼

又東南曰紅孜納普之嶺有水焉北流入於賽里河  
謹案紅孜納普一作渾居拉普許圖作渾楚鄂  
帕有草可牧南通坎巨提勘界公牘云和家克  
巴依卡南行一百四十里至宅斯曼有塔齊克  
遊牧數戶一百二十里至乙壘沿河一帶草足  
薪缺轉向西南行六十里至紅孜納普達坂蓋  
北距蒲犁城五百一十里也

新疆圖志

山脈志四

十

又東南曰星硤之嶺有水焉北流入於澤普勒善河  
謹案星硤嶺許圖作烏帕朗即帕米爾達坂英  
人楊哈斯班遊記作土穆沙落內有草場可牧  
坎巨提人砌有小石房三十間以為牧養歇宿  
之所勘界公牘云山色勒苦木什布拉可東南  
行九十里至星硤阿格嘴英人遊記作蘇  
木準噶爾柴草  
均足向南行五十里至星硤卡倫坎巨提尾卡  
設駐於此卡外深溝一道約深十餘丈寬五六  
丈曲折而下盤旋而上極險要卡門啟閉無人

由此轉向西南行約六七十里至星硤達坂通  
坎巨提後部此嶺東流折而北流之水與阿格  
里嶺西北流水會於星硤阿格嘴入澤普勒善  
河其由葉城縣向西南歷庫庫雅卡越英艾達  
坂渡澤普勒善河向東南轉正南折西南至星  
硤達坂計程一千二百餘里議者謂托和奈克  
通庫庫雅之道爾帶克沙的通怕合浦之道入  
札塔拉通喬堡之道此三道草柴均足若築堡  
設卡於此可扼坎部由星硤各達坂入葉城之

新疆圖志

山脈志四

十

道案自星硤以西通坎部諸山統名曰穆斯塔  
格自卡拉胡魯木以東通條拜提諸山統名曰  
哈喇科隴卡拉胡魯木謂冰山也哈喇科隴或  
作哈喇昆侖蓋由昆侖得名

哈喇山

西域圖志齊齊克里克達巴在哈喇塔克東南一  
百里英吉沙爾廳圖哈喇達坂東北距城三百一  
十里與蒲黎界

齊齊克里克山

一統志齊齊克里克在喀什噶爾西南

新疆圖說齊齊克里克在疏州府城西南及百餘里托布倫河經其南

謹案齊齊克里克為英吉沙爾及蒲犁之分嶺當孔道北準語齊齊克花也里克多有也一統志謂喀什噶爾西北北當為南字之誤西域水道記云僧格喀巴布山當和闐正南過和闐而北趨千六百餘里發為齊齊克里克嶺此蓋以岡底斯為昆侖發脈也

新疆圖志

山川志

鐵列克山塔斯滾一統志作提斯滾及排斯拉巴特兩水出焉

新疆圖說塔斯滾水在英吉沙爾城南一百里其源出坎科布魯特部落鐵列達坂東流為夏納斯渠分溉城南各莊出畝排斯拉巴特河亦出鐵列嶺東流與澤普勒善河會

謹案西域圖志云特勒克達巴在齊齊克里克東一百里一統志云特勒克嶺在葉爾羌西北當孔道北特勒克為鐵列克之變音新疆圖說

云鐵列克即特拉克蓋一山也山南即蒲犁境  
托布倫河過之此山乃由齊齊克里克東北分  
支東南即黑子爾鐵里牙諸山一統志所謂在  
葉爾羌西北也

阿合買提山其下多鐵

英吉沙爾鐵礦圖說阿合買提山在治南一百一  
十里有塔什渾河即塔密由鐵列克山迤邐而東至  
阿合買提山建碓而下分溉城南各莊河岸之南  
有鐵礦其基較河堤低二十餘丈脈分五條相距

新疆圖志

山脈志四

十二

五六里不等縱橫浮現長約七十里寬約十數里  
附近之依克孜牙莊設爐提鍊得鐵百分之二十  
或百分之五現有苗洞十數處深者丈餘因運道  
不便煤炭亦艱故多折本中止

杭阿喇特山當孔道北

西域圖志杭阿喇特達巴在特勒克東一百里又  
東南行接葉爾羌南境諸山

一統志杭阿喇特嶺在葉爾羌西北

謹案今英吉沙爾諸圖志皆不載杭阿喇特之

嶺而廳西南有罕阿拉特木罕阿拉特即杭阿  
喇特其水蓋以山得名其嶺當即今烏魯克諸  
山古今稱名互異耳

黑子爾山黑子爾泉出焉東北流一百三十里伏於  
戈壁

英吉沙爾廳圖說黑子爾山東南界莎車西北距  
城二百二十餘里

### 阿伊普山

英吉沙爾廳圖說阿依普山崛起戈壁之中西北

新疆圖志

山脈志四

十四

距城一百二十里東南界莎車東北界疏勒

已上英吉沙爾境內支山

哈喇庫里山有水焉南流入於托布倫河

蒲犁鄉土志哈喇庫里達坂在城東一百里

謹案哈喇庫里嶺在齊齊克里克東南蒲犁廳

東北哈喇庫里湖白西庫湖艾南湖皆在其左

右奇恰克驛經其北南即托布倫河也

鐵里牙山湯吉塔爾河水出焉南流入於托布倫河

蒲犁鄉土志鐵里牙達坂在城東二百三十里

謹案鐵里牙嶺在哈喇庫里東北嶺北即英吉沙爾廳界嶺南有往莎車驛路即七里拱拜托魯布倫等驛也

### 色克里克山

蒲犁鄉土志色克里克達坂在城東北四百七十里

謹案鐵里牙嶺東南爲色克里克嶺下爲往莎車要道

### 哈孜山

## 新疆圖志

山脈志四

十五

蒲犁鄉土志哈孜達坂在城東四百五十里

謹案哈孜或作黑子東距色克里克二十里爲赴莎車驛路湯吉塔爾上游支河經此山麓

### 哈拉山

蒲犁鄉土志哈拉達坂在城東四百四十里

謹案哈拉嶺在哈孜之南十里開子驛經其下右諸山俱任托布倫河之北

### 喀楚特山喀楚特水出焉

謹案喀楚特山在蒲犁城正南明鐵蓋嶺北出

之支山西域水道記云澤普勒善河西源出喀  
楚特山東北流二百餘里有齊齊克里克嶺水  
南流百二十里經塞勒庫勒莊東來會塞勒庫  
勒在葉爾羌城西南八百里案塞勒庫勒即今  
之蒲犁

阿布朗山有水焉北流入於賽里河

謹案阿布朗或作烏帕朗在爾勒格蘇東南

爾勒格蘇山有水焉西北流入於賽里河

謹案爾勒格蘇山在蒲犁城南勘界公牘云蒲

新疆圖志

犁城南一百九十里之和家克巴依卡柴草均  
足係塔墩巴什紅孜納普爾勒格蘇三道總要  
之地宜加兵扼守以重邊圉案爾勒格蘇北距  
和家克巴依卡六十里蓋距廳城二百五十里  
也

堪達山

謹案堪達山一作坎達爾達坂在牙蒲西南蒲  
犁城東南由烏溪莊至枚爾羊莊經此山烏溪  
莊在廳城東一百五十里枚爾羊莊在廳城東



南二百二十里以上三山皆紅孜納普嶺北出支山

牙滿山托布倫河經其北

蒲犁鄉土志牙滿達坂在城東二百三十里

謹案牙滿嶺一作押慢塔斯達坂在托布倫河之北不當孔道嶺西八十里爲烏溪莊嶺東七十里爲阿密里克莊

已上蒲犁境內支山

又東南曰卡拉胡魯木之嶺有水焉北流入於澤普勒

新疆圖志

山川志四

十七

善河

皮山鄉土志卡拉胡魯木山北距皮山縣城一千二百里西北通葉城東通伯凌吉達坂昌吉利達坂又東迤邐至於和闐北至合達孜阿卡孜素蓋提三達坂由阿卡孜西出葉城之八札塔拉由素蓋提北連克里陽雅爾提達坂出和闐境

謹案卡拉胡魯木洪圖作喀喇闊魯木又名哈拉合拉木勘界公牘云由素蓋提向南行進山口八十里過達坂五十里至奇博里柴草均缺

又六十里至明立克卡七十里至達爾烏孜與  
康挖克道會又五十里至黑子里塔哈轉向西  
南行四十里至八浪沙即洪圖之布朗薩沿途  
柴草全無又行五十里至卡拉胡魯木達坂通  
退擺特即條西南流之水即澤普勒善河源也  
詢有鐵鑄界碑埋藏此地距界碑約三里許有  
石砌三角墩每方七尺高三尺樹石碑於墩上  
書皆洋文案據李源鈞圖素蓋堤至卡拉胡魯  
木嶺三百五十里

新疆圖志

山脈志四

十八

協坦耿山

莎車府圖說協坦耿山在城西南一百六十里與  
蒲罕界當驛道南

海立雅山

莎車府圖說海立雅山在城西南三百餘里山高  
三千三十四生的米達一生的米達合中尺三分零澤普勒善  
河經其麓下有渡船

鐵格山其北麓泉水出焉北流入於澤普勒善河

莎車府圖說鐵格山在海立雅山南東界葉城西

界蒲黎山高三千六百二十五生的米達其泉北  
流會喇斯庫木水入於澤普勒等河

已上莎車境內支山

密爾岱山奇盤之水出焉是生玉石多驚牛狝豺狐  
西域圖志密爾岱塔克舊音關爾在葉爾羌西南

原作東南誤

由是東行接和闐南境諸山俱產玉

一統志密爾岱山在葉爾羌南產玉石

新疆圖說密爾岱山在葉城西南三百四十里奇  
盤水亦名達燕水發源此山東流一百里至奇盤

莊折而北流五十里至一西泥而入葉城境又流  
六十里至慶木郝與澤普勒善河會

西賊水道記密爾岱舊作關勒自葉爾羌城南七  
十里至坡斯恰木又西南五十里至汗亮格爾又  
東南百五十里至英額莊又西南三十里至齊盤  
山又西南五十里至阿子汗薩爾又西南六十里  
至密爾岱山峻三十里許四時積雪谷深六十餘  
里山三成下成者麓上成者巔皆石也中一成則  
瓊瑤函之彌望無際故曰玉山採者乘羴牛至其

巔鑿之墜而後取往往重千萬觔山與瑪爾胡魯  
克山峯巒相屬玉色黝而質堅聲清越以長乾隆  
二十七年八月葉爾羌辦事採進玉特磬料十一  
片重千四百三十觔姑洗磬二林鐘磬三南呂磬  
三蕤賓磬夷則磬仲呂磬各一寸月准玉特磬料  
十四片重千五百九十觔太簇磬五夷則磬一大  
呂磬二夾鐘磬二仲呂磬二林鐘磬一是歲又進  
玉特磬料十四片重九百五十五觔蕤賓磬三夷  
則磬二林鐘磬一南呂磬五應鐘磬三

重華宮半度玉特磬料十片重八十觔太簇磬姑  
洗磬蕤賓磬夷則磬無射磬大呂磬仲呂磬林鐘  
磬南呂磬應鐘磬各一備用半度磬三片重二十  
九觔六兩二十八年三月採進正項磬料十八片  
備用磬料二十六片六月復進正項特磬料十一  
片黃鐘磬二太簇磬二大呂磬三夾鐘磬五備用  
特磬十一片黃鐘磬六太簇磬二姑洗磬二大呂  
磬一皆採自密爾岱山以準格爾鋸截之四十九  
年葉爾羌辦事差主事協同內庭司庫恭陳委領

十三玉匠永福潤安詣山採正用玉冊五百片玉  
寶五十方備用玉冊三百片玉寶三十方凡重四  
千七百五十二觔五十五年内廷樂房災火樂器  
葉爾羌辦事採進磬料正玉六十四塊副玉八塊  
其瑪爾瑚魯克山所產有質黑暈若血沁然回民  
自裕勒阿里克卡倫來城鬻之因名其玉曰裕勒  
阿里克高斌傳曰斌孫樸奏言乾隆四十一年往  
葉爾羌辦事距葉爾羌城四百餘里有密爾岱山  
產玉久經封禁四十三年二月高樸奏言回民往

新疆圖志

山脈志四

一一一

往私探防範維艱莫若以官爲開採間年一次可  
杜撰竊營私之弊如所請行九月阿齊木伯克色  
提巴勒底以高樸勒派回民三千餘採玉婪索金  
寶並串商盜賣首之烏什辦事永貴遂革高樸職  
鞫實論斬如律自是設密爾岱卡倫禁採玉嘉慶  
四年弛禁廢卡倫凡葉爾羌和闐產玉常貢外聽  
民販鬻嘉慶四年奉旨諭葉爾羌和闐等處出產  
玉石向聽民間售買並無例禁明文因高  
樸串通商販採買玉石案內始行定例凡私起新  
疆偷販玉石即照竊盜例計贓論罪原非舊例所  
有况仍有偷帶貨賣者今查案內因此拖累多人  
朕心殊爲不忍著照刑部議嗣後收買新疆玉石

概免治罪欽此其年有採進密爾岱山玉三首者

青重萬觔次者慈白重八千觔小者白重三千餘

觔輦至喀喇沙爾以其勞人罷之余經烏沙克塔

勒回語烏沙克小也塔勒喇樹也軍台土人導余

至驛舍東北觀之半沒塵壤出地者高二尺許額

齊盤山北為澤普勒善河東北流白數十里經和

什阿喇布莊北回語和什雙歧之謂阿喇布怕爾

西語水也莊在葉爾羌城西南二百六十里是謂

莊南是為第五營又東北流六十里經庫爾瑪斯

莊南有密爾岱山泉水自南來會是為第四營二營

在北岸又東北流五十里經塔爾哈奇莊北是為

第三營又東北流三十里經烏魯克明莊北是為

第二營又東北流三十里經烏魯克明莊北是

為第一營三營在南岸又東北七十里經葉爾羌

城南河水屆秋澄清見底協辦率主事一人筆帖

式侍衛各二人詣河干祭以少牢眾伯克以回夫

五白人來會十夫一溫巴什領之執旗於岸役夫

枚策沂流以探比暮伯克斂所得玉於辦事營帳

差其輕重在二兩下者不入數三日一後營復令

二筆帖式率四品商伯克一人六品伯克四人回

夫二百人入喀崇山岑探足額片告謝河伯宴伯

克契夫役之勞者還納玉於糧餉局俟和闐玉至

同人貢又每年葉爾羌探

貢玉一萬八千五百觔至乾隆二十四年高樸疏

言葉爾羌大河來自產磬片之關勒山順流而下

至揚瓦里克為洗伯過渡之所渡口上流三十里

即採玉之處案葉爾羌河向不產玉自平定回疆

新疆圖志

山脈志四

以後漸生玉石經前任大臣奏明採揀然每年可  
貢者不過數十塊質尙遜於和闐續經前任大臣  
採獲白玉三塊於乾隆四十年十二月致祭河神  
近年得玉頗有似和闐者

謹案洪亮吉昆侖山釋據酒泉太守馬岌酒泉  
南山即昆侖之體之語謂昆侖之首在西域而  
其體則綿亘南山以下均謂之昆侖昆侖爲產  
玉之山今南山自葉城至於于闐皆產玉而密  
爾岱爲最大半嶺以上純玉無石故世又呼爲

新疆圖志

山脈志四

一一二

玉山水經注云莎車有鐵山出青玉李光庭漢  
西域圖考亦謂莎車國今之葉爾羌有鐵山出  
青玉皆指今之葉爾羌西南之密爾岱山而言  
密爾岱舊作闕勒山亦作闕爾山急讀之則皮  
山也攷西山經黃帝取器讀如密穆天子傳注  
文選李善注引此直  
密山之玉榮而投之鍾山之陽瑾瑜之玉爲良  
堅栗精密潤澤而有光槐江之山其上多琅玕  
金玉長留之山多文玉石章莪之山多瑤碧符  
惕之山多金玉驪山多玉而無石沕山其上多

嬰短之玉其陽多瑾瑜之玉翼望之山多金玉  
揆厥地望當在今莎車和闐之間疑所謂密爾  
岱于闐南山皆者是而崧密同聲泐山因泐澤  
得名尤爲塙鑿可信故古來言昆侖者兼屬之  
南山也寧波龔柴云塔里木河發源蔥嶺滙流於羅布淖爾中產玉石甚多大者如盤  
如斗小者如拳如栗各色不同其如墜之白翠之青蠟之黃丹之赤墨之黑者爲上品一種羊脂米斑一種碧如波斯菜金片透濕者尤爲無上上品土人亦不多得蓋和闐河下下均出玉  
直流至羅布淖爾山經所謂其間蓋澤是也往者康熙時遣人探河  
源入衛藏始定岡底斯山爲昆侖不問其玉不

新疆圖志

山脉志四

二一四

玉也平定張穆亦謂山經產玉之山處處有之  
昆侖不必產玉產玉不必昆侖又斥火炎昆岡  
玉石俱焚爲僞書以爲爾雅中下二篇多後人  
增益於是主葱嶺南山者一變而爲岡底斯山  
矣漢武按古圖書指河所出昆爲侖且言多玉  
石蓋指南山而昆楚辭涉江曰登昆侖兮餐玉  
英是又漢以前以南山爲昆侖之一證也又何  
疑於爾雅允征乎

裕勒阿里克山



謹案回語裕勒淨貌謂渠爲阿里克山下有清  
水渠故名裕勒阿里克卡倫在其下東北距葉  
城縣二百九十里玉拉里克水蓋以此山得名  
玉拉里克卽裕勒阿里克也

英額齊盤山其上多玉

西域圖志英額齊盤塔克在葉爾羌西南英額齊  
盤西十里與裕勒阿里克塔克東西相望俱在葉  
爾羌謬斯騰境內其南境爲裕勒阿里克塔克  
葉城鄉土志英額齊盤山在縣城西南二百八十

新疆圖志

山脈志四

二五

里山上平坦寬曠周百餘里產玉鮮有佳品遜於  
和國居民間有採取者

阿格里山有水焉北流入於澤普勒善河

謹案阿格里山東北距葉城九百七十里勘界  
公牘云由星硤阿格嘴向東北行百二十里至  
和勒格蘇柴水足草無一百二十里過阿格里  
達坂柴水草俱有與蘇合外提路會蓋星硤嶺  
迤東北出之支山也

英艾山聽雜布河東源出其北

謹案勘界公牘云由葉城縣向西南歷庫庫卡越英艾達坂蓋可卡提嶺分支兩行者也

瑪爾胡魯克山庫庫雅水出焉北流入於聽雜布河

新疆圖說瑪爾胡魯克山在葉城西南三百里

謹案瑪爾胡魯克在英艾山西北

八札塔拉山有水焉西北流入於澤普勒善河

謹案八札塔拉山在葉城西南阿格里山東北距英艾一百二十里爲星硤嶺迤東北出之支山通喬堡

新疆圖志

山脈志四

一一六

爾帶克沙的山有水焉西北流入於澤普勒善河

謹案爾帶克沙的山東南距八札塔拉四十里東北距英艾八十里爲通怕合浦之道

庫克雅爾山

西域圖志庫克雅爾塔克在裕勒阿里克東南聽雜布誇斯騰發源山中

謹案庫克雅爾即庫庫雅爾回語庫克青色雅爾坎也山色青下臨坎故名在英艾山北故所出之水皆聽雜布河源也

伯什鐵列克山庫庫雅水東北流二百四十里經其北麓

謹案伯什鐵列克山在葉城縣南六七十里庫克雅爾山之北

曰上葉城境內支山

貝拉山

西域圖志貝拉塔克在庫克雅爾東北

一統志貝拉山在葉爾羌東南

謹案皮山鄉土志縣城西南一百八十里有波

新疆圖志

山脈志四

二七

內莊洪圖許圖作博喇蓋即貝拉之轉音其地

正當庫克雅爾東北

奇勒揚山

西域圖志奇勒揚塔克在貝拉南庫克雅爾東庫克雅爾奇勒揚兩塔克以南爲痕都斯坦界

一統志奇勒揚山在葉爾羌東南其南爲痕都斯坦界

謹案洪圖桑株山西庫庫雅山東南有吉利羊山即此奇勒揚也山在黃綫界內故志云南爲

痕都斯坦界今圖志均不載此山蓋古今異名耳

和什山葉什勒之水出其東麓

西域圖志和什塔克在奇勒揚東北

一統志和什山在葉爾羌東南

謹案皮山鄉土志縣城南九十里爲合什塔莊蓋因山得名洪圖作呼什塔克新疆圖說正作和什塔克

桑株山桑株水出其北麓厥產黑土其樹多梨小而

新疆圖志

山脈志四

一一八

味甘

皮山鄉土志桑株山在縣城南其山雪水會入草湖北出一百二十里開卡孜渠又四十里開白孜渠至木吉又五十里開沙布爾渠又二十里開賽衣提拉渠又三十里開仁爾巴哈渠共注蔭一二莊

勘界公牘由邱邱達坂西南行七十里至垣卡春冬水小由桑株自餘里順河而上夏秋則當繞邱邱達坂山垣卡轉向東南行六十里至渠滾四圍

山皆青草有布魯特人十餘戶居此牧放向西南行五十里至桑株達坂丁癸騎崙辛乙過徑山峰極陡峭居然天險有一夫當關萬人莫敵之勢東流轉向北流之水繞桑株莊出木吉伏戈壁山生黑土用火炒之可代顏料

謹案西域圖志薩納珠塔克在薩納珠東南自英額齊盤至此東西懸互爲葉爾羌南境諸山皆由葱嶺分支東南行六百餘里接和闐南境諸山一統志云薩納珠山在葉爾羌東南山脈

新疆圖志

山脈志四

二一九

自英額齊盤至此皆葱嶺之支峯薩納珠卽桑株蓋音變字也據皮山驛站計程由縣城東南行九十里至木吉又南行九十里至桑株莊各  
哈拉哈爾莊又南行五十里至克伯孜又南行六十里至阿卡孜又南行三十里至桑株達坂又西南行一百三十里過達坂抵塔烏孜卡總計距縣城三百二十里過嶺四百五十里鄉土志謂六百餘里誤也

克里陽山產白土

皮山鄉志志克里陽山在縣城南又名居什肯其山雪水會入草湖北出一百五十里開沙狀渠又八十里開克里陽渠又三十里開玉拉格渠凡注蔭一十九莊山生白土用火炒之粉牆極白

謹案由皮山縣南行九十里抵合什塔又南行三十里抵司馬晒又南行二十里抵克里陽卡又南行八十里抵阿克受又南行五十里抵拉木籠又南行五十里抵居什肯即克里陽達坂東西高山中有草湖又東南繞西上達坂越達

坂南行下達坂約計白里抵土古滿據此則由縣城至克里陽山祇三百二十里南出山亦祇四百餘里鄉志作距城五百餘里誤

又沙拉嶺玉拉里克水出其北麓北流滙於庫庫雅之河

勘界公牘由葉城縣東南一百六十里至克里陽卡再南行九十里至阿克壽草盛薪缺有敖罕種民數戶居此尚有七十餘戶在各山溝牧放又東南行九十里至拉木籠薪足草無多又南行百里

至渠坤左右兩山上下二三十里皆青色有野蔥  
又轉西南行六十里至八沙拉達坂壬丙崎崿甲  
庚過境山極峻峭儼入雲天時寒時熱乍雨乍晴  
積雪盛夏不消瘴霧時作每年自六月起九月止  
人馬可行餘月皆爲雪阻山梁尙平坦  
素蓋提山有蛇焉一角而虎爪可以避邪

皮山鄉土志素蓋提山在縣城南七百里

勘界公牘由葉城縣向東南歷桑株達坂至素蓋  
提卡洪圖作蘇哲特計程六百五十餘里又向南

新疆圖志

山脈志四

三二一

行進山口八十里過達坂五十里至奇博里即洪  
圖之池布喇也

謹案八沙拉桑株各嶺重巒疊嶂形勢危險皆  
由素蓋提東山出脈直行西北則可卡提英艾  
爾帶克沙八札塔拉嶺爲莎車葉城南障由可  
卡提嶺分枝迤北而東則八沙拉接連桑株爲  
葉城外東南障皆屬南山之枝節阿巴伯克里  
爲兩嶺總徑截要迤東則賽圖拉迤南爲哈里  
渠坤柴草茂盛可屯千軍踰可卡提嶺出山口

卽澤普勒善河計程約二百里由山口順河直趨入札塔拉卡可扼坎巨提由星硤紅孜納普各嶺入葉城各道而不能兼顧條拜提由卡拉胡魯木來路惟在可卡提山口駐兵扼守不獨與素蓋提賽圖拉聲氣聯絡卽與入札塔拉卡亦一氣貫注其中數百里可資軍用而素蓋提卡亦爲要隘其南逾嶺直趨卡拉胡魯木東四百一十里達阿吉闌干有通和闐之道迤東諸山爲呢蟒依山係和闐南障接連普下大山又

屬和闐西障也

可卡提出

勘界公牘由八沙拉達坂東南行二百三十里至阿巴伯克與桑株道會向南行十二里至托古爾蘇出英艾達坂以東諸山之水出此向東南行三十里至賽圖拉洪圖作沙音都拉又名叶的拉未經平定之先商賈往來多被坎巨提人劫掠土著布回亦受其害英人於沙灘中就我舊堡加修周圍二一十二丈有奇南北方寬五丈東西方寬六丈



有奇堡身高九尺厚約四尺垛口高三尺厚約七寸房屋十一間馬棚二區向東南進山口爲哈里渠坤柴草蕃茂能供數營之需百餘甲踰可卡提達坂出山口沙梁橫亘有石砌舊房基十數礮臺一座若仍設兵防守與素蓋提一帶防兵聲勢聯絡可扼條犇提由卡拉胡魯木昌器利滿兩道矣謹案賽圖拉英人所築卡房係英使楊哈斯班遊歷至此僱回人士的修葺我舊堡給以火藥以保護往來商賈實則華疆也今已查無人迹矣

阿卡孜山

謹案皮山鄉土志阿卡孜山一名阿哈塔黑洪圖作阿克塔克據驛站計程由皮山縣城至阿哈塔黑八百七十里北距素蓋提山一百八十里

合達孜山

謹案皮山鄉土志合達孜一作特哇孜色立克勘界公牘云由素蓋提達坂南行二百三十里

至黑子里塔哈轉向西南行九十里至卡拉胡

魯木達坂黑子里塔哈即合達孜也據鄉土志特哇孜色

立克北距明立克下三十里據皮山驛站計程由縣城南出

克里陽山四百二十里又二百九十里出素蓋

提山又三百二十五里抵特哇孜色立克其一

千三十餘里

普下山哈喇哈什河經其西北

皮山鄉土志普下山在縣城東南七百八十里此

處係大山窩有居民十數戶不通車馬罕見人迹

新疆圖志

山脈志四

二二四

雅爾提山

皮山鄉土志雅爾提山一名蘇皮哈拉哈爾距縣

城東南五百餘里其山雪水會入草湖北出二百

五十里注杜哇莊又一百二十里注帕爾慢莊

謹案雅爾提一作牙玉特

陽阿甲克山

新疆圖說陽阿甲克山在葉城東南四百七十二

里

詳案陽阿甲克山在普下山西北杜哇山西南

杜哇山有泉出焉

皮山鄉土志杜哇山在縣城東南二百餘里厥產紅土

謹案山帕爾慢驛南行六十里抵杜哇莊莊在山東雅爾提山雪水注之山生紅土用火炒之可作顏料

### 帕爾慢山

皮山鄉土志帕爾慢山距縣城東南二百餘里

謹案皮山城東二百四十里爲帕爾慢莊有帕

爾慢驛在杜哇水東通和闐

### 邱邱山

勘界公牘由葉城縣東南行一百里至波內莊卽洪圖博喇六十里至克里陽卡轉向東行六十里至和什拉莊卽洪圖呼什塔克又一百里至桑株莊仍向東行六十里至黑子爾校闌干樹多草少向西南行七十里至麻札薪足草缺又四十里至邱邱土達坂四山草極蕃茂

已上皮山境內支山

又東南曰昌器利溝之嶺有水焉東流伏於戈壁

李源鈔勘界圖由葉城縣東南行歷桑株達坂至  
索蓋提計程六百五十餘里折而正東行至阿吉  
闌干計程四百一十里由此轉西南折正南至昌  
器利滿達坂計程五百七十里

謹案昌器利滿嶺與條拜提接壤條商向由卡  
拉胡魯木往來嗣因坎部擾亂改道由此嶺直  
入于和承平後仍歸故道勘界公牘云由阿吉  
闌干有三大石倚石砌墻垣數處以東石山中

新疆圖志

山志

二二八

之清水由此伏流至色勒格蘇與諸南山中北  
流黃泥水曾皆哈拉哈什河源也正南上山坡  
路平坦過小土達坂據土人云向東北行有通  
于闐之道計八十里至布拉可巴什柴草均缺  
有數泉流入小冰海泉邊青草無多向西南行  
八十里至克子布拉可山麓皆紅土柴草均缺  
有數小海水碧色味鹹結又行一百一十里平  
坦讎戈壁至搭勒塔得柴草均缺又行七十里  
平坦山路至克奇克庫里亦有數泉流十餘里

伏於地泉邊青草難供一騎仍向西南四十里  
平坦山路轉向正南六十里土戈壁一帶風甚  
烈有水處早晚皆結冰六月披裘儼如嚴冬瘴  
霧尤厲觸之頭腹皆痛疑爲崑岡絕頂也過小  
土達坂二十餘里仍土戈壁沿路柴草俱無昌  
器利滿達坂諸山中之水由此繞向東流從茲  
漸有高峯矣順山溝向東南行三十餘里轉正  
南折西南六十餘里至昌器利滿達坂通退擺  
特柴草全無用羅經測準子午騎崙卯酉過徑

比用木坂鐫數語云查昌器利滿達坂卯酉向  
水分東西流東流屬中西流屬外騎崙分界中  
外分明誠天然界限也書此爲記離山梁路南  
約二十步埋藏石塊內此嶺及諸峯多積雪盛  
暑不消俄人康穆才甫游記云陟一高平地砂  
磧含鹽上有數湖卽鹽戈壁數小海也昌器利  
滿獨起高峯天然壁劃順山嶺迤西北則卡拉  
胡魯木達坂卽喀喇科隴皆屬新疆通條拜提  
第一層門戶也

又東曰札克安巴之嶺

謹案札克案巴嶺即新疆識略之察克瑪克曲  
底雪山在呢蟒依山東南通發藏

又東北曰呢蟒依之山一曰哈朗歸南望痕都斯坦東  
望和闐和闐水出其陰北流注於塔里木河其中多玉  
西域圖志哈朗歸塔克舊音哈朗圭在和闐西南  
境皂窪勒南又東南爲額什墨提斯塔克皆屬和  
闐南境之山亦自葱嶺分支過葉爾羌南境又東  
行至此和闐郭勒出其北麓

新疆圖志

山脉志四

二二八

一統志呢蟒依山在和闐南東西有二山和闐河  
分出其麓

西域水道記和闐河有二源西源曰哈喇哈什河  
東源曰玉瓏哈什河玉瓏哈什亦有二源西源出  
哈朗歸東源出雪山二源會流至額克里雅爾與  
哈喇哈什會後魏書云于闐城東二十里有大水  
北流號樹枝水即黃河也一名計式水城西五十  
五里上五字衍文後周書  
北史皆作十五里亦有大水名達利水與  
樹枝水會俱北流樹枝即東源達利爲西源河產

玉諺曰玉河漢書西域傳言于闐參玉梁書西南夷傳有于闐玉河是其名稱從來已久高居誨使于闐記云于闐河分爲三東曰白玉河西曰綠玉河又西曰烏玉河張匡鄴行程記云白玉河在城東三十里綠玉河在城西二十里烏玉河在綠玉河西七里其源雖一而其玉隨地而變每歲七八月水退乃可取謂之撈玉據斯言白者玉璫綠者哈喇烏者爲阜窪勒惟今之阜窪勒未聞出玉差爲異矣

謹案阜窪勒河在和闐西即哈喇哈什河之分流北行百餘里而止不通他水

新疆圖志

山脈志四

二二九

和闐鄉土志呢蟒依山距州城五百八十里山勢險峻堅冰積雪人迹罕到

謹案漢書西域傳云于闐在南山下南山者土人稱密克瑪克曲底雪山在和闐額里齊城南五百八十里

額里齊回語居民豐城之謂舊音作伊立齊

漢書言南

山者以別葱嶺文獻通考言于闐都葱嶺之北二百餘里以葱嶺爲南山誤矣南山水經注謂之仇摩置有二谷曰桑谷曰樹雅二谷出水而流回人統呼爲桑谷樹雅金玉皆產其中東南

遙達四臧東則綿延數千里直抵青海之庫爾  
坤山東麓爲巴延哈喇達巴罕北即星宿海漢  
書河有二源一出于闐南山下即其地也魏書  
西域傳蒲山國西南三里有溲凌山唐西域記  
王城西南二十餘里有瞿室餒伽山山峰兩起  
巖隙四絕西域圖志云魏時蒲山國爲今皮什  
南皮雅勒阿勒瑪等處所謂凍凌山者當在其  
西南境西域記載瞿室餒伽山在下城西南二  
十餘里今和闐額里齊城西一百六十里地名

新疆圖志

山脈志

四十一

皮什南城居山谷皮什南與瞿室餒伽字音相  
近方位亦符兩峯四絕之形勢猶有存者是瞿  
室餒伽山當在今皮什南之南爲堅珠哈朗歸  
額什墨提斯諸塔克也案南山峯嶺相屬古今  
異稱自回人改譯土語而山名益不能確指其  
定在要之皆爲于闐南山也哈朗歸回語黑暗  
也呢蟒依回語雪也距和闐州城五百八十里  
新疆圖說云呢蟒依山在城南六十里蓋和闐  
人謂城南之山俱謂之呢蟒依也其山舊有小



徑可通衛藏提督董福祥勦竄賊白彥虎毀之  
光緒丙午夏英人司德訥言昔我國人踰此山  
至於印度必有舊徑吾將往跡焉抵哈朗歸遇  
急湍不可進後易反筏浮而下陟呢蟒依雪山  
未半瘴甚從者皆嘔血遂返然度嶺之志益決  
考唐吐蕃入西域東則取道於甘涼西則假途  
於勃律大勃律即今之巴勒提在博洛爾回部  
其界連于闐南山雪山之險數倍於木素爾嶺  
小勃律則踰葱嶺而西爲漢烏程南境其道迂

新疆圖志

山脈志四

四一

而夷故吐蕃多出之李光庭漢西域圖考云今  
克勒底雅城有路通後藏之招正注雲路在正  
南克勒底雅即今之克里雅其地正當和闐于  
闐之南雪山之麓彼英人之所指殆即克里雅  
一途爲董提督所毀者然雪深瘴毒猿狖愁攀  
矧復破盤益難側足故兩進而兩卻也

堅珠山

西域圖志堅珠塔克在和闐西南境皂窪勒西南

卡薩納珠

即桑株

二百里

謹案皂窪勒爲和闐屬境在城西北一百二十里由是西行踰黃水溝至葉爾羌界

### 瑪雜爾山

西域圖志瑪雜爾塔克在和闐郭勒西三百里爲和闐北屏山不甚高產火硝不當孔道魏書西域傳于闐地方互千里連山相次按自瑪爾占諤勒氏西行至瑪雜爾塔克迤邐而西連山不斷直抵葉爾羌諤斯騰當屬于闐北界魏書所謂連山相次者以此

### 新疆圖志

山脈志四

四二

謹案瑪雜爾山在和闐城北不與南山相屬

阿拉克山哈喇哈什之水出焉

謹案阿拉克山在和闐州西南昌器利蒲嶺西北其水北流爲哈喇哈什河山皆冰雪北有小徑

### 庫布哈山

謹案庫布哈山在和闐州西南阿拉克東北其水亦哈喇哈什河源

### 牙拉阿山

謹案牙拉阿山在和闐州西南庫布哈爾北其  
水亦哈喇喀什河源

乙品山

謹案乙品山在和闐州西南牙拉阿東北

默特司山有水焉北流入於哈喇喀什河

謹案默特司山在和闐州西南乙品山東其所  
出之水山蓋亦哈喇喀什河源也一統志額什  
墨提山在和闐南即此山

多拉山默特司之水逕其西

新疆圖志

山川志四

四二二

謹案多拉山在和闐州西南默特司東北

烏普阿山

謹案烏普阿山在和闐州西南多拉山西北

玉司馬山尼沙水經其西

謹案玉司馬山在和闐州南烏普阿山東南尼  
沙水出呢蟠依山入於玉瓏喀什河

布倫哈山切取水經其西

謹案布倫哈山在和闐州南玉司馬山北切取  
水出呢蟠依山東北流入於玉瓏喀什河

卡浪古山

謹案卡浪古山在和闐州南玉司馬山東和闐鄉土志卡浪古明在城南二百二十五里南抵呢磷依山其明蓋卽以山命名纏回謂千曰明猶言千戶也山南有蘇明介乙哈拉及威衣波衣拉克兩大牧場

忙普倫山玉瓏哈什河經其北

謹案忙普倫山在和闐州南卡浪古山北一名

樂春山

新疆圖志

山脈志四

四四

皮素絲山

謹案皮素絲山在和闐州南忙普倫山北

烏魯山

謹案烏魯山在和闐州東南皮素絲山東爲和

闐洛浦東西界山

乙梗山有水焉西北流入於玉瓏哈什河

謹案乙梗山在和闐州東南與于闐縣塔板梗莊界

已上和闐境內支山

鐵蓋列克山阿拉降伊拉克及覺可伊拉克二水出焉西流入於玉瓏哈什河

謹案鐵蓋列兒一作帖克里克山在洛浦縣城東南七十里于闐縣城西南四百餘里兩縣交界之山山脈由南山附玉河而來石骨嶙峋上無樹木山下有小泉二道北流一至闐于地一至白石驛山之西北一帶有沙灘名大胡麻地大胡麻地北距洛浦縣城九十里小胡麻地在縣城北三十里中產子玉為最上之品

新疆圖志

山志四

已上洛浦境內支山

又東曰克里雅之山克里雅河水出焉多金多鹽鹽凝塊不待煮煉土人任便取食多犛牛多狃狽多野牛野馬

于闐鄉土志克里雅山在縣城極南千餘里與後藏交界

西域水道記克勒底雅山有徑通藏地康熙五十八年六月四川總督年羹堯疏言近者西藏諸部落以貝勒達顏病故

藏衛舊汗曰藏巴汗噶爾瑪丹增世傳有和碩特之顧實

汗滅之留主其地達顏人人有相吞併意聞策零

敦多布現令左哨頭目春丕勒率兵六百餘過略

喇烏蘇河往青海又聞發兵八千來藏已至葉爾

羌克勒底雅雍正元年六月青海羅布藏丹津實

許之孫達什巴圖爾之子將山克勒底雅入藏松

潘鎮總兵官周瑛選精騎三百勒康濟鼎西采用部

初為阿里噶爾本封貝子後游蕩卜論事帶番

兵萬餘出楊八景追至噶勒藏骨岔限雪乃止西

藏志曰自衛藏招正北行二十四日至納克產又

十五日至書隆沙爾又十八日至克勒底雅城是

新疆圖志

山脈志四

也西藏志又云自阿里西北所屬之魯都克城十

五日至葉爾羌蓋有兩路可達克勒底雅在藏

正北葉爾羌任藏西北也克勒底雅山千餘里淤沙積雪煙瘴

逼人冬夏不可行水發山中北流經克勒底雅城

東  
謹案準部由回疆擾藏叛酋由青海竄藏皆嘗

取道於此即唐吐蕃入西域之路也克里雅者

回語來而未定之辭山之西南有伊爾里克淖

爾水自淖爾溢出是為克里雅河初源東北流

流水山之水自東南來入之流來山在于闐

出山中淺夾曲折又北流普羅山之水自西南

來入之普羅即勃律之轉音蓋古大勃律之界也存于闐縣境正南有二水一出正南

山中曰帖拉克一出迤西南山中曰庫下拉克流出普羅山東北流與大河合又東北

流經博瓦子闐干莊分為東西二渠渠在河又

東流分一渠渠在河南岸又東北流分二枝東西分

流環抱阿雅莊行二十餘里仍合流經于闐縣

城東唐書云于闐東三百里有建德力河河東有建德力城亦曰拘彌城即甯彌故城建

德力河即此河也今河在又北流阿羌山之

自東南來入之阿羌山水出于闐縣南阿羌山中北流經縣東哈喇庫木什莊

新疆圖志

山脈志四

折而西北入大河又北流皮介山水合哈喇布拉克水

圖木牙水自東來入之皮介山水出皮介山北流哈喇布拉克水自東

南來會水出哈喇布拉克山西北流人皮介山水又北流圖木牙水自東來會水出圖木牙山

北流分二枝一北流注乙斯玉洛滾一北流入皮介山水三水合流經威陀拉克莊折而西經

自新莊又又北流入沙磧此河自發源至于闐

縣城約一千二百餘里夏漲冬涸灌溉之利實

攸賴焉又北流約千里始入沙磧沿河有草土

人資以畜牧再北則彌望沙漠寸草不生考唐

辨機西域志謂之媯摩川東入沙磧新疆識略

水道表亦列爲伏流是此水並不入大河西域水道記以此河注慈嶺大河入羅布淖爾殆未經親歷耳

喀喇塔什山喀喇塔什之水出其北麓產金

于闐鄉土志喀喇塔什在縣城西四百五十里鐵蓋列克山東

謹案喀喇塔什河出山中北流經阿希闌干爲阿希河又北流經策勒村爲策勒河又北流入沙磧

新疆圖志

山脈志四

四八

卡依拉乞莽山美勒克河水出焉

于闐鄉土志卡依拉乞莽山在縣城南五百餘里喀喇塔什山南

謹案卡依拉乞莽山在于闐縣境努勒村南沁美勒克河出山北北流經安壩莊曰安壩河安壩莊距雪山近水草饒足居民且耕且牧又北

流經恰哈莊曰恰哈河又北流經固拉哈馬爲固拉哈馬河在縣城西一百九十里又北流分渠之發入沙磧



阿克恰克勒山潘拉克水出焉

于闐鄉土志阿克恰克勒山在縣城南六百八十  
里卡依拉乞莽山東

謹案阿克恰克勒山在縣城南水源出其北北  
流經烏魯沙依莊東為烏魯沙依水又北流分  
渠之後至潘拉克入沙磧約六百里

努拉山

于闐鄉土志努拉山在縣南六百餘里阿克恰克  
勒山東

新疆圖志

山脈志四

四九

謹案努拉山在于闐縣境南水源出山北經努  
拉莊北流會沙依巴克水分渠溉田

沙依巴克山沙依巴克水出焉

于闐鄉土志沙依巴克山在縣城南五百餘里努  
拉山東

謹案沙依巴克山在于闐縣南水源出其北北  
流至達木溝分渠之後入沙磧

細黑喇山罕蘭溝水出焉

于闐鄉土志細黑喇山在縣城南四百餘里沙依

巴克山北

謹案細黑喇山在于闐縣境南水源出山北北  
流分二支一西北流入達木溝一東北流為罕  
蘭溝水初源分渠之後北流入沙磧

吉比塔哈山

于闐鄉土志吉比塔哈山在縣城南二百餘里細  
黑拉山迤南

科可布拉克山

于闐鄉土志科可布拉克山在縣城南三百餘里

新疆圖志



山脈志四

五十一

吉比塔哈山東

普羅山

于闐鄉土志普羅山在縣城南二百六十里科可  
布拉克山東北

謹案普羅或作泡洛即勃律之轉音蓋古大勃  
律之界在縣境正南有二水一出正南山中曰  
帖拉克一出迤西南山中曰庫卜拉合流出普  
羅山東北流與克里雅河合

科可牙山

于闐鄉土志科可牙山在縣城極南七百餘里普羅山南

謹案科可牙或作克雅得牙右十山爲克里雅迤西諸山俱在塔克努明境內

流水山有水焉產礫子玉

于闐鄉土志流水山在縣城南二百五十餘里普羅山東

謹案流水山在于闐縣境南水出山中淺狹曲折西北流入克里雅河

新疆圖志

山脉志四

五一

索胡塔雅克山

于闐鄉土志索胡塔雅克山在縣城南二百八十餘里流水山迤東

謹案索胡塔雅克洪圖作索克托雅

阿羌山阿羌水出焉

于闐鄉土志阿羌一作阿仙山在縣城南三百二十里索胡塔雅克迤東

謹案阿羌洪圖作阿禪阿羌水出阿羌山中北流經于闐縣東喀喇庫木什莊折而西北入克

里雅河

皮介山有水焉北流入於克里雅河


于闐鄉土志皮介山在縣城南三百五十里阿羌山迤東

謹案皮介山或作必佳山有水北流會喀喇布拉克及圖木牙兩山之水自新莊入於克里雅河

喀喇布拉克山有水焉入於皮介之河

于闐鄉土志喀喇布拉克山在縣城南三百八十

新疆圖志



山脈志四

五二

里皮介山迤東

圖木牙山有水焉西北流入於皮介之河

于闐鄉土志圖木牙山在縣城南四百一十里喀

喇布拉克山迤東或作吐木牙

瑪勒袞山

于闐鄉土志瑪勒袞山在縣城南四百五十里圖

木牙山迤東

三姜山

于闐鄉土志三姜山在縣城南四百七十里瑪勒

衮山迤東北

瑪特山

于闐鄉土志瑪特山在縣城南四百八十里三姜山迤東

庫烏瓦山

于闐鄉土志庫烏瓦山在縣城南四百九十里瑪特山迤東

恰恰提山

于闐鄉土志恰恰提山在縣城東南五百餘里庫

新疆圖志

山脈志四

五十一

烏瓦山迤東

謹案恰恰提或作洽哈底山北有水東北流入於烏魯克沙依之河

俠馬山烏魯克沙依之水出焉

于闐鄉土志俠馬山在縣城東南五百二十里恰恰提山迤東

謹案俠馬或作下馬勒山在縣境東南水源出

山北曰烏魯克沙依河北流至尼雅為尼雅河

分渠之後入沙磧

蘇拉瓦克山

于闐鄉土志蘇拉瓦克山在縣城東南三百二十餘里俠馬山迤北

謹案蘇拉瓦克或作梭羅瓦克洪圖作索爾曼克即大金廠在于闐縣境東譯言當風揚沙也蓋以土人挖金當風揚沙得名

達爾干里克山

于闐鄉土志達爾干里克山在縣城東南五百七十餘里俠馬山迤東或作他拉竿

新疆圖志



山脈志四

五四

奇吉罕山

于闐鄉土志奇吉罕山在縣城東南六百一十里達爾干里克山迤北

乙衣克山

于闐鄉土志乙衣克山在縣城南六百五十里奇吉罕山迤東

格支布拉克山

于闐鄉土志格支布拉克山在縣城東南六百八十里乙衣克迤東

玉洛袞布拉克山

于闐鄉土志玉洛袞布拉克山在縣城東南七百  
里格支布拉克山迤東南

英吉介山哈爾哈什水經其東

于闐鄉土志英吉介山在縣城東南七百一十五  
里玉洛袞布拉克迤東或作英豈介

圖朗和加山哈爾哈什水經其西

于闐鄉土志圖朗和加山在縣城東南七百七十  
里英吉介山迤東一作托蘭烏佳

新疆圖志

山脈志四

五五

喀喇沙衣山喀喇沙衣之水出焉東北流入於安得  
月河

于闐鄉土志喀喇沙衣山在縣城東南八百五十  
里圖朗和加山迤東

謹案喀喇沙衣水出山北北流至安得月入沙  
磧

三加山有水焉東北流入於安得月河

于闐鄉土志三加山在縣城東南八百七十里喀  
喇沙衣山迤東

謹案三加水出于子塔哈西南山中北流又折而東北入安得月河

于子塔哈山安得月水出焉

于闐鄉土志于子塔哈山在縣城東南九百里三加山東南

謹案安得月河發源於于子塔哈山曰波斯坦托合拉克北流入沙磧洪圖安得月作安得喇克子里雅山克子里雅水出

于闐鄉土志克子里雅山在縣城東南九百五十

新疆圖志

山脈志四

五十六

里于子塔哈山東南

謹案克子里雅山在于子塔哈山東南水源出山西于子塔哈迤東山中諸小水自南來會合流西入於安得月河

阿斯敦塔哈山有小水三焉出其北麓

于闐鄉土志阿斯敦塔哈山在縣城東南九百餘里于子塔哈山迤北

謹案阿斯敦塔哈山在于子塔哈山北其水曰克奇克色于曰穹色于曰博和布拉克均發源



於山北北流又折而西入於安得月河

阿卜山阿卜水出焉

于闐鄉土志阿卜山在城東南九百三十里阿斯  
敦塔哈山迤東

謹案阿卜或作阿拔坦山在阿斯敦塔哈之東  
阿卜水出其北北流奇底里水自東北來會此  
水亦出阿卜北山之麓合流入於安得月河

窩牙衣拉克山

于闐鄉土志窩牙衣拉克山在縣城東南九百八

新疆圖志

山脈志四

五七

十里阿卜山迤東或作阿衣乙拉哈

布胡拉山

于闐鄉土志布胡拉山在縣城東南一千里窩牙

衣拉克山迤東

昆洛克沙衣恰克勒山

于闐鄉土志昆洛克沙衣恰克勒山在縣城東南  
一千五十餘里布胡拉迤東

奇底里克恰克勒山

于闐鄉土志奇底里克恰克勒山在縣城東南一

千一百餘里昆洛克沙衣恰克勒山東南

枚勒卡恰克勒山

于闐鄉土志枚勒卡恰克勒山在縣城東南一千二百餘里奇底里克恰克勒山東北

卡巴山產金

于闐鄉土志卡巴山在縣城東南一千二百餘里枚勒卡恰克勒山西北即小金廠

謹案洪圖卡巴作闊帕或作卡拔

麥衣提山麥衣提水出焉北流入於戈壁

新疆圖志

山脈志四

五五八

于闐鄉土志麥衣提山在縣城東南一千二百八十里卡巴山迤東或作密提

托和巴衣山

于闐鄉土志托和巴衣山在縣城東南一千三百餘里麥衣提山東南

卡勒木南山

于闐鄉土志卡勒木南山在縣城東南一千三百三十餘里托和巴衣東北或作哈拉敏

烏爾拉克羌山

于闐鄉土志烏爾拉克羌山在縣城東南一千三百五十餘里卡勒木南山迤東或作阿祥

伊三干山

于闐鄉土志伊三干山在縣城東南一千三百八十餘里烏爾拉克羌山迤東或作一山于

阿克牙山

于闐鄉土志阿克牙山在縣城東南一千四百餘里伊三干山迤東

庫朗木拉克山

于闐鄉土志庫朗木拉克山在縣城東南一千四百五十餘里阿克牙山迤東

跳提勒山

于闐鄉土志跳提勒山在縣城東南一千五百三十里庫朗木拉克山迤東

覺可沙衣山有水焉北流入於卡塔河

于闐鄉土志覺可沙衣山在縣城東南一千七百餘里跳提勒山東南

摩拉布拉克山有水焉北流入於卡塔河

于闐鄉土志摩拉布拉克山在縣城東南一千九百餘里覺可沙衣山東南或作毛拉布拉河

托固斯嶺


于闐鄉土志托固斯達坂在縣城東南二千餘里摩拉布拉克山迤南

謹案托固斯洪圖作托古茲此為東南分支過  
脈大嶺

烏魯克蘇山烏魯克蘇水出焉是為卡墻河之源

于闐鄉土志烏魯克蘇山在縣城東南二千四百

新疆圖志



山脈志四

六十

餘里托固斯達坂迤東

謹案卡墻河有三源一為烏魯克蘇一為阿格

塔克一為阿里雅拉克山水合流是為卡墻河

西流經摩拉布拉克山又北流折而東北經婁

羌縣入於羅布淖爾水經注且末河即此卡墻

河蓋音轉字卡牆且末故地也石晉高居誨使

于闐記云又西渡陷河是古時出陽關赴于闐

必由鹽澤渡且末今由卡牆至羅布淖爾必渡

此河以道路證之實且末河也西域水道記載

羅布淖爾所受諸水不列此河

阿格山阿格塔克水出焉是生金

于闐鄉土志阿克塔克在縣城東南二千五百餘里烏魯克蘇山東南

謹案阿格塔克在于闐縣境東南南纏回謂後爲阿格謂山爲塔克猶華言後山也其地產金積雪不消瘴癘亦甚採金者惟夏月可入水出山中西北流與烏魯克蘇合入阿里雅拉克河

阿里雅拉克山阿里雅拉克水出焉

新疆圖志

山脈志四

六一

于闐鄉土志阿里雅拉克山在縣城極東二千六百餘里阿格塔克東與青海界

阿克蘇阿子山

于闐鄉土志阿克蘇阿子山在縣城東南二千四百餘里阿格塔克迤北

牙烏拉克山

于闐鄉土志牙烏拉克山在縣城東南二千四百六十餘里阿克蘇阿子山迤東

黑子龍溝山

于闐鄉土志黑子龍溝山在縣城東南二千五百有餘里牙烏拉克山迤東

謹案右四十九山俱在克里雅明境內為克里

雅迤東諸山

已上于闐境內支山

又東曰沙圖圖之嶺

一統志沙圖圖嶺在和闐東境外自塔克邨踰葉

什勒淖爾南東行沙磧六百里至此山勢趨北岡

巒連屬不絕

新疆圖志



山脈志四

六一

西域水道記沙圖圖嶺南北與哈喇沙爾城直中

隔千四百餘里嶺北趨四百餘里折而西北千二

百餘里至布古斯孔郭爾郭之南而止同語孔郭爾

各布古斯謂腹背以喻果實之大也地在額里齊城東北五百餘里距喀巴克阿克集近百里其境

南皆沙磧中有大山綿互沙圖圖嶺支峯也

謹案回語圖圖梯也沙圖圖狀其層出

又東北曰額勒圖郭勒之嶺

一統志額勒圖郭勒山在和闐東境外沙圖圖嶺

之東北四百餘里特起大山支峯延互沙磧中

又東北沙磧中有山曰礪什達爾烏蘭達布遜之山多紅鹽礪砂

一統志礪什達爾烏蘭達布遜山在和闐東境外額勒圖郭勒山之東北蹲踞沙磧其東偏連山不斷與安西州屬南山相望西域水道記礪什達爾烏蘭達布遜山南北與羅布淖爾直中隔千里其山高峯崛起西北行二百餘里分二支南支西行二百餘里爲順托郭爾山而止北支西北行千四百餘里轉西至沙雅爾之南陔而止

新疆圖志

山脈志四

六二一

謹案回語礪砂曰礪什達爾鹽曰達不遜山產礪砂紅鹽鼓名明華夷譯語鹽曰答不遜即達不遜也或作勒科爾烏蘭達不遜

又東南曰錫津烏蘭之山

西域水道記錫津烏蘭山南北與吐魯番城直中隔千四百餘里

又東北曰巴顏哈喇得里奔巴之山

西域水道記巴顏哈喇得里奔巴山之西二百里分支西北行一千里至羅布淖爾南八十里而止

支山之東爲瑪海沙磧周二千餘里當哈喇淖爾  
之西又東北爲噶順蒙古語噶順味之苦者言水味苦也沙磧又北  
爲伊爾湖瑪沙磧當哈密城西南蓋和闐東北大  
漠無垠辨機西域記云于闐東行入流沙沙磧流  
漫聚散隨流人行無跡遂多迷路四遠茫茫莫知  
所指行四百餘里至覩貨羅故國國久空曠城皆  
荒蕪從此東行六百餘里至折摩馱那故國卽沮  
末地也城郭歸然人烟斷絕從此東行千餘里至  
納縛波故國卽樓蘭是知沙磧計程二千里而遙

新疆圖志

山脈志四

六四

漢渠勒精絕戎盧小宛諸國淹沒無蹤意淪入瀚  
海如曷勞落迦城之比矣

謹案西域水道記錫津烏蘭及巴顏哈喇得里  
奔巴山後有諾木齊圖山巴顏哈喇西倫山陰  
得爾錫勒圖山奇爾薩托羅海山巴顏哈喇嶺  
七山凡六百餘里皆南山一脈相屬入青海界  
內矣

